

# Маэстро Брузон хайцаата!

## Александр Емельянов Италияба сырыыта


Соторутаабыта Иван Степанов үөрүүлээх киһэтигэр кэнсиэргэ Александр Емельянов Бизе «Кармелиттан» Эскамилло ариатын ыллаабытын кэрэхсии, сөбө-махтайа иһиттибит.

Артыыс куолаһа өссө тупсубукка, чөлөрүйбүккэ, өссө кырасыабай буолбукка дылы. Куолаһа, ылыыра эрэ буолбакка, туттара-хаптара, эрчимэ, маньыарата, уобараска киирэрэ — эн иннигэр, чэхчы Испания эр хаана турар.

Спортсмены «пуорматы-гар сылдыар» дииллэринии, ырыаһыты итинник диэххэ сөп дуо? Александр бу аҕыйах хонуктаабыта күннээх Италияттан кэллэ. Онно Салерно куоракка вокалистар аан дойдутаагы аһаҕас бэстибээллэригэр кытынна. Бу, чэхчы үрдүк таһымнаах бэстибээли опера төрөөбүт дойдута Италияба эрэ буолбакка, аан дойдуга аатырбыт, улуу Лучано Павароттини кытта Ла Скала, Ковент-гарден, «Метрополитен-Опера» диэн чулуу тыйаатырдар сыаналарыгар тэнгэ ыллаабыт баритон Ренато Брузон тэрийэн ытта.

Ренато Брузон — 40-тан тахса сыл көрөөччү тапталын ылан ылар, биір биллэр-көстөр баритон. Кини ордук Верди операларыгар табыллан ыллыр. Кинини «биһиги үйэбит саамай улуу, чулуу «белкантина» диэн ааттыыллара мээһэҕэ буолбатах. Брузон куолаһа аан дойдуга саамай кырасыабай баритон дэнэр. Кини айбыт хорюоллара уонна рыцардара, герцогтара уонна доктара — бу Брузон. Чэхчы «аристократ» артыыһын бигэргэтэр. Кинини истэн олорооччулар, бэл ытаан да ылыахтарын сөп — ол курдук кэрэ, баай куоластаах.

Биһиги Емельяновпыт кини маастар-кылааһыгар сылдыар,



онно вокал ымпыгар-чымпыгар үгүйүллэр уруккуттан ыра санаалааҕа. Кини «Ренато Брузон — мин кумирым» диэбитин саныыбын. Маэстро Брузону холобур оҕосторун, кини ыллыр маастарыстыбатыгар сүгүрүйэрин туһунан эппитэ.

Онно өр бэлэмнэнэн, уопсайынан, вокальной ускуустуба уустуктарын, ымпыгын-чымпыгын баһылыырга сананан, италиялы тылы үөрэппитэ. Билигин Александр италия тылынан кэпсэти таһымыгар төһө баҕарар быһаарсар. Оттон биір саамай



уустук партияны — Риголеттоны — италиялы быйыл саас Италияба бэйэтигэр баран ыллаабыта уонна хайбаммыта! Италиялар маэстро Брузонтан: «Тоһо атын дойдулар ырыаһытара биһиэхэ кэлэн куонкурустарга бастаан, кыайан-

хотон баралларый? Бэйэбит ырыаһыттарбыт ханналарый?» — диэн, дыктиргээн ыйыппыттарыгар кини: «Ыраах сиртэн, Сибириктэн (Саха сириттэн), чэхчы таһымнаах, үчүгэй бэлэмнээх эрэ дьон кэлэллэр», — диэбит.

«Эн үчүгэйдик олохсуйбут куоластааххын, учууталың үчүгэйдик үөрэппит эбит»,



— диэн Ренато Брузон Емельянов хайбаабыт. Бу биһиги ырыаһыт элбэхтик бэлэмнэммитин, маастарыстыбатын үрдэтэргэ, куолаһын чочуйарга төһөлөөх үлэлээбитин саамай бастың туһута. Элбэх ырыаһыты таһаарбыт продюсер В.Шадринтан хаһан эрэ «биір дэ тахсан, аатыран баран, үгүс ырыаһыт тоһо сүтэн, симэлийэн, биллибэт буолан хааларый?» диэн ыйытыкка, кини судургутук «сүрээһэ суохтар» диэбиттээх. Онон дьыңгээх ырыаһыт айылбаттан бэриллибит талаанынан эрэ мунҕурдаммат, вокальной ускуустуба артыыстан элбэх сыраны, үлэни, эрэйи даһаны эрэйэр. Оннуга суох ситиһи кэлбэт. Оттон Александр Емельянов сайдан, уопутуран, биіртэн-биір чыпчаалы дабайан иһэр.

Биллэн турар, бу манньк сырыы үбэ-харчыта суох хаһан да кыаллыбат. Онон ырыаһыт бу сырыытын үбүлээбит СӨ Културатын министриэстибэтигэр, СӨ бырабытталыстыбатыгар, Опера уонна балет тыйаатырыгар махтаныан махтанар.

Бэйэбиттэн эбэн эттэххэ, биһиги өрөспүүбүлүкэбитигэр манньк чабылхай талаан төрөөн-үөскээн тахсыбытытан үөрэн-долгуйан, кини үүнэрсайдар баһатын өйөөн, баай тэрилтэлэрбит, олигархтарбыт киниэхэ улахан стажировканы барарыгар көмө оҕороллоро буоллар дэлэлээх үчүгэй буолуо этэ дуо? Ол кыаллара буолуо дии саныыбыт. Тоһо диэтэххэ, биһиэхэ талааннаах дьону таптыыллар эрэ буолбатах, кинилэри өйүүллэр.

Нина ГЕРАСИМОВА.

Хаартыскаларга:

1. Маастар-кылаас сэртипикээтэ.
2. Маэстро Брузону кытта.
3. Италияба.